

Bismillah



Assalomu alaykum!

Horma, yaxshimisan?

Ushbu yozuvlarni o'qir ekansan demak imtihon qilgani kirishgansan. Ushbu imtihon sen 5-oyda o'qishga loyiq ekanligingni aniqlab beradi.

Senga omad, o'zimga daromad tilagan holatda so'zimni tugatmoqchiman. Senga faqat omad tilayman. Alloh ilmingni ziyoda qalamingni o'tkir qilsin 😊



Muddat ⚠️

Boshlanadi: 20-sentabr juma 08:00da

Tugaydi: 22-sentabr dushanba 08:00da 🏁

Senda imtihonni bajarish uchun **2 kun [48-soat]** vaqt bor. Keragidan ko'proq vaqt bor. Men berishim mumkin bo'lgan eng katta yordamni berdim deb o'ylayman Wallāhu a'lam.

Har doimgi gapni aytaman har xil kutilmagan vaziyatlar bo'lib qolmasligi uchun oldinroq harakat qil. ERP imtihon vaqti tugashiga roppa rossa 12 soat qolganda ochiladi va aniq **22-sentabr dushanba 08:00da** to'liq yopiladi. Ha yopiladi va qayta ochilmaydi.

Topshirish shakli GitHub va Netlify yoki Vercel havola orqali bo'ladi.

GitHub: 🔗

Netlify: 🔗



Imtiyoz 🙄

Agar senda qo'shimcha ball bo'lsa, ERPga imtihon havolasini yuklayotganda "ustoz menda qo'shimcha ball faloncha bor edi" deb yozishing kifoya.

Agar sen imtihondan ozod bo'lgan bo'lsang "ustoz mening boshimga baxt qushi qo'ngan" deb yozishing kifoya.

Agar senda qo'shimcha ball ham yo'q, ozod ham qilinmagan bo'lsang imtihonni bajar.




Imtihon 🧐

Mashinalar haqida sayt tayyorlash.

Sharh 🦅

Senga berilgan **fn44-4-oy-game-over** papkasining ichida **js** papkasi bor. Ushbu **js** papkasining ichida [data.js](#) fayli bor. Uning ichidan mashinalar arrayi export qilingan. Sen shu mashinalarni uiga chiqarishing kerak. Misol tariqasida rasmga qara.



Shartlar 📋

-Style

Istasang Flowbite ishlat, istasang DaisyUI ishlat. Lekin ikkalasini aralashtirma. Istasang toza CSS yoz. Bu o'zinga bog'liq. UI nihoyatda chiroyli hamda tushunarli holatda bo'lishi kerak. UI to'liq responsive bo'lishi kerak. **320px**gacha responsive qilasan.

Dark mode bo'lishi kerak, hamda dark mode holatga o'tkazsa eslab qolishi kerak. sahifani yangilasa light mode holatiga o'tib qolmasligi kerak. Oq holatga o'tkazib sahifani yangilasa dark holatga o'tib qolmasligi kerak. Shu jihatlarga e'tiborli bo'l.

-Imkoniyatlari

Men yangi mashina qo'sha olishim, bor mashinani o'chira olishim, bor mashinani tahrirlay olishim, har bir mashina haqida batafsil ma'lumot ko'ra olishim kerak.

Qo'shish: Navbarga qo'shish degan button qo'yasiz. Uni ustiga bosganda modal ochilishi kerak. Qo'shish uchun forma elementlarni modal ishida bo'ladi. Qo'shib bolgandan keyin modal yopilishi kerak.

O'chirish: O'chirish uchun har bir cardda o'chirish degan button bo'ladi. Uni ustiga bosganimda modal ochilishi kerak. Modalda rostan ham o'chirmoqchimisiz deb so'rashi kerak. Ha va Yo'q degan javoblar bo'ladi. Ha bosganida o'chish kerak, yo'qni bosganida modal yopilishi kerak.



Tahrirlash: Tahrirlash uchun har bir cardda tahrirlash degan button bo'ladi. Uni ustiga bosganida modal ochiladi. Modal ichida forma elementlari bo'ladi. Ushbu forma elementlari mashinaning eski ma'lumotlari bilan to'lishi kerak. Xuddi todoga o'xshab, eslang. Tahrirlashni bosganida tahrirlanishi kerak.

Batafsil: Har bir cardda batafsil degan button bo'ladi, uni ustiga bosganda mashina haqidagi ma'lumotning barchasi modalda ko'rsatilishi kerak. Chunki cardga ma'lumotning hammasi sig'maydi. Cardda faqat eng muhim ma'lumotlari ko'rsatiladi.

Barcha ma'lumotlar localStorage bilan bog'langan bo'lishi kerak. Ma'lumotlarni o'chirib sahifani yangilab yuborsam yana eski holatiga qaytib qolmasligi kerak.

-Mehr

Barcha narsani nuqtasidan boshlab verguligacha yozdim. Yana qo'shimchalaring bo'lsa dizaynni buzmagani holatda bema'lol qo'shish mumkin. Albatta bu ham inobatga olinadi. Ayniqsa bilasan men mehr berganlarni alohida hurmat qilaman.



Vijdon 🔨

Vijdonan bajar, ko'chirmagin. GPTga kod yozdirmagin. Insof qil. Agar men shubhali nimadur sezadigan bo'lsam imtihon vazifang xattoki tekshirilmaydi. 2-imkoniyat berilmaydi. Xushyor bo'lasan deb umid qilaman.

The end 🔥

Barchaga omad.

